

Johann Quistorp

## In Festo Paschatos

Rostochii: Kilius, 1645

**<http://purl.uni-rostock.de/rosdok/ppn734815549>**

Druck Freier  Zugang



RU Progr. 1645 + 1646

1) Johann Quistorp

2) "

3) Hinn. Schückmann

4) "

5) Johann Quistorp

6) Schütze 1646 Barthangel

7) " " resurrectio







2

# IN FESTO PASCHATOS

*affixum ab*

Universitatis RECTORE  
JOHANNES QVISTOR-  
PIO, D. & Theologicæ Facul-  
tatis Seniore,



ROSTOCHII,  
*Literis NICOLAI KILII, Acad. Typog.*  
Anno M. DC. XLV.









RECTOR  
Universitatis Rostochiensis  
**JOHANNES QVISTOR.**  
PIUS, D. & Theologicæ  
Facult. Senior.



Quibus incessanter Gaudiis Israelitæ,  
& mente conceptam lætitiā contestati  
sunt, in lubila erumpentes quando Goliathum  
hostem, sibi Deoq; suo ante insultantem,  
à Davide stratum cernunt, videre ibi est  
mulieres cum tympanis choreas agitan-  
tes: audire licet eandem Davidis victoriam  
à prostrato hoste deportatam voce deprædicant

A 2

Quid



Quid nos hoc tempore agere fas est,  
quando recolimus Salvatoris nostri  
Victoriam, quam à superatis DEI no-  
strisq; hostibus, Spiritibus illis inferna-  
libus, abstulit? Congressus est tem-  
pore Passionis suæ Redemptor noster,  
cum Goliatho totaq; phalange infer-  
nali, superior evasit, caput serpentis  
contrivit, Draconem rufum concu-  
cavit. David victoriâ sua Israelitas,  
quibus paucorum annorum servitu-  
tem Goleathus intentabat, liberavit.  
Nos qui æternæ servituti subjecti era-  
mus, Noster David CHRISTUS JESUS,  
non solum in libertatem perpetuam  
asseruit, sed & liberatos, sibi fratres  
& caelestium bonorum hæredes con-  
stituit. *Per hujus Passionem & Crucem*  
(cum Cyrillo loquor) *reddita est salus hu-*  
*mano generi, facta est redemptio nostra & reconcili-*  
*liatio,*



liatio. Per ipsum allata est nostro dolori medicina,  
data est fortitudo & robur homini, ut hac lorica ob-  
tectus & galea, intrepidus incat certamen cum hoste,  
quem Dominus noster crucis salutifera beneficio fo-  
ras eiecit, profligavit omnino, & penitus attrivit.  
Exultemus itaq; ut monet Origenes, & ad cru-  
cis similitudinem sanctas in calum levemus, manus.  
Cum sic nos armatos demones viderint, opprimen-  
tur. Quando Moyses erectas habebat manus, vin-  
cebatur Amaleck, si paululum illa conciderant, in-  
ualecebat. Antenne navium velorum cornua sub  
figura nostre crucis volitant. Aves ipse quando  
in superiora se attollunt, & pendent per aera, exten-  
sis alis imitantur crucem. Sed & trophæa ipsa, &  
victoria triumphorum ornata cruces sunt, quas non  
solum in frontibus, sed & in animabus quoq; nostris  
gestare debemus, ut quum sic fuerimus armati, calce-  
mus super aspidem & basiliscum, in CHRISTO  
JESU, cui est gloria, cum DEO patre & Spi-  
ritu sancto in secula seculorum. Ut hæc læ-  
ta mente consideremus & agitemus  
gaudia, voces, quæ hoc potissimum  
anni tempore, in templis ante paucu-  
los dies de victrici Christi Passione,



sonuerunt, & nunc de hostibus Resurrectione  
gloriosa superatis audiuntur, nos invitant.  
Amat Mundo dedita multitudo, boatibus & cla-  
moribus Evoe Evoe in honorem Bachi, cui lita-  
vit, ingeminare, Amat displosione bombarda-  
rum, etiam in queta Republica, ut juxta secum  
alij sciant se domi insanire, mentis suæ lætitiā  
prodere: etiam eo tempore, quando Salvator  
noster plenus tristitia sanguineum fundit sudo-  
rē. Romani Plinio teste, Bello 2do, Punico Luciū  
Fulvium argentarium, quod cum corona rosa-  
cea interdiu è pergula sua prospexisset, in tetrum  
carcerem conjecerunt, nec emiserunt ante fi-  
nem belli, ut ibi suas misérias lamentaretur, qui  
in calamitate publica signum lætitiæ capite ge-  
staverat. Et inter Christianos, prohi pudor, in-  
veniuntur, qui voce & factis, se ridere ostendunt,  
quando Salvator humani generis inclamat, D E-  
US mi, D E U S mi, quid me deseruisti: quando  
CHRISTO ingementi, & vitam suā pro nobis,  
acerbam mortem sustinendo, profundenti, ex Bo-  
naventura succinit Ecclesia:

„ Sanguis ejus effusus est, & pretium solutum  
est,

„ Diabolus devictus est, & bellum consumma-  
tum est,

Chi-



„ Chirographum deletum est, & homo jam redemptus est.

„ O bonitas bone Jesu, qui es nostra justitia,

„ O veritas vere Jesu, qui es nostra scientia,

„ O charitas chare Jesu, qui es nostra redemptio,

„ O sanctitas sancte Jesu, nostra sanctificatio.

„ Consumma nobis gratiam, & consumma iustitiam,

„ Consumma conscientiam, & consumma lætitiā,

Excute Academiae cives, illud ex mundanarum rerum, carni suavium, enatum γλυκύπικρον gaudium. Cum CHRISTO pro nobis in mortem tradiro indolete, & eundem ex morte victorem resurgentem, lætis animis cum Ecclesia his verbis excipite

„ Vita sanctorum, decus Angelorum

„ Vita cunctorum pariter piorum

„ CHRISTE, qui mortis moriens ministerium

Exuperasti.

„ Tu tuo lætos famulos trophæo

„ Nunc in his serva placidis diebus,

„ In quibus sanctum celebratur omnem Pascha per orbem.

„ Pascha, quo victor rediens ab imo

Atque



„ Atque cum multis aliis resurgens  
„ Ipse susceptam super alta carnem  
Altra levasti.  
„ Nunc in excelsis dominus refulgens,  
„ Et supra cœlos DEUS elevatus,  
„ Inde venturus homo iudicatus,  
Denuo iudex.  
„ Corda tu fursum modo nostra tolle,  
„ Quo patri dexter residens in alto  
„ Ne resurgentes facias in ima  
Præcipitari.  
„ Hoc pater tecum, hoc idem sacratus  
„ Præstat amborum pie CHRISTE, Flatus,  
„ Cum quibus regnas DEUS unus omni  
Jugiter ævo.

Hoc agite. P.P. Rostochij die Pascharos  
Anno 1645.













te. Apostolus Paulus fidus Cl  
geminat abijciamus opera ten  
mur armis lucis, sicut in die h  
non in comessationibus & ebr  
bilibus & impudiciis, non in co  
latione. sed induimini dominum  
& carnis curam ne feceritis in  
nobis inculcat hinc inde Spi  
sacro codice. Quæro ex te  
Atianus dici affectas, cui nam  
cujus monitis parere debeat  
no & Salvatori, qui te carè  
te sanctificavit, & Spiritu S  
minibus, an diabolo hum  
infensissimo, carni in exitu  
do concitato cursu in infern  
O impietatem omni sermon  
Deum vindicem justissimum  
omnis generis plagas, quib  
mania vastatur attraxit, quæ  
tentia seria averterimus, exit  
rietur. Usurpat Ecclesia hise  
riam patientis Christi, fisti  
vincula conjectum, ad inju  
tractum, colaphis male tra  
rurpatum, virgis cæsum, spi  
in crucem actum, clavis conf

the scale towards document

ster in-  
indua-  
ulemus,  
n in cu-  
am-  
ristum,  
similia  
tus in-  
s Chri-  
ebere,  
Domi-  
tui qui  
nis ho-  
s hosti  
mun-  
eranti?  
Quæ  
& quæ  
a Ger-  
i pæni-  
um so-  
nemo-  
lum in  
es per-  
to de-  
atum,  
ta per-  
ossum

